

علوم اقتصادیه و اجتماعیه

مجموعه گار

هر آيت برنجی کونی نصر اولنور

مؤسسلری :

احمد شعیب ، رضا نوقیو ، محمد هاربه

مندرجات :

عضویتلر و جمعیتلر : ساطع . — مجادله حیاتیه و تکامل
 جمیات : آصف فطی . — ویانه مؤعری : احمد شعیب . —
 موت بودجه : احمد مختار . — تریه عقلیه : دوقنقورادهم . —
 فرانسه اخلال کبیری : احمد شعیب . — دیون عمومیه عثمانیه :
 محمد جاوید . — اشربات و وقایع اقتصادیه : محمد جاوید . —
 ۱۸۶۳ و ۱۸۶۴ سنلری استقراضنک مقاوله نامه سی .

مدیر و صاحب امتیازی :

محمد هاربه

امور اداره و تحریریه : نور عثمانیه جوارنده ملنن اداره خانه سی

نسخه سی : ۱۰ غروش

استانبول

باب طالی جاده سنده هلال مطبعه سی ، نومبرو ۶۶

موقت بودجه

DOUZIÈMES PROVISOIRES

قوة تشریعیہ طرفندن بر سندهن آز بر مدت ایچون قبول و تصدیق اولنان بودجهیه «موقت بودجه Douzièmes provisoires» دینور.

«بودجه Le budget» مؤلف مشهوری موسو رنه ستورم موقت بودجهی «موقت بر طرح و توزیعہ کوره بر قاج آی ایچون و بر کولرک حیایتنه و مصارفات عمومیہ نك تسویه سنه اعطای رخصت» جمله سی ایله تعریف ایدیور.

موقت بودجهی «حکومتک حساب و تکلیفنه کوره بر ویا بر قاج آیہ مخصوص اولهرق واردات و مصارفاتک حیایت و صرفی ایچون و بریلان رخصت موقتہ» جمله سیله ایضاح ایلور.

بویکی تعریفده کوریلان «موقت» کلمه سندن اکلاشلدینی و جمله موقت بودجه سنه لك عمومی بودجه نك قوة تشریعیہ طرفندن قبولنه انتظاراً اتحاد اولنان قاجامق بر تدبیردن بشقه برشی دکلدور. فی الواقع «موقت بودجه لر» آنجق عادی بودجه نك سنه مالیه نك حلولندن اول مجلس مبعوثان طرفندن تدقیق و تصدیقنه امکان مادی اولیان زمانلرده مراجعت ایدیلان صوك چاره در و بوجهتله حسابات کاملاً تقریری و صحت و وضوح دن عاریدر.

بومایتندن دولایی «موقت بودجه» دائماً امور مالیه لری حسن

اداره اولنچیان مملکتلرده ویا - حزب کی و تقلبات سیاسی ظهوری کی - اسباب عارضیه دن دولایی امور مالیه نک حسن جریانته خلل طاری اولدینی زمانلرده میداننه حیقار .

۱۸۱۷ ده فرانسه ده امور مالیه نک تذبذبندن دولایی مالیه ناظرلری موقت بودجه لر تنظیم ایله مکه مجبور اولدقلرندن موسیو قورو، تتو مجلس مبعوثانده دیمش ایدی که : [سزه موقت بودجه لرک سؤ استعمال اولندینی و بونلرک اصولسزلکی ایضاح اولنشدی . بو سؤ استعمالی و بواسولسزلکی برنجی اوله رق بز بیان و ایضاح ایله ششده . افندیلر ، امین اولیکزکه موقت بودجه دن اک زیاده متأثر اولان ویرکا کوجلکله تحمل ایدن بری وارسه اوده مالیه ناظری در . لکن بو اصوله مراجعتی استلزام ایدن اسباب مجبره الان موجوددر .]

موقت بودجه یه مراجعت ایچون باشلی ایکی سبیدن ماعدا اوچنجی بر سبب دها واردرکه اوده یا حکومت ایله مجلس مبعوثان بیتنده تگون ایدن اختلافدن دولایی قصدا ویا بودجه قومیسونی وهیئت عمومیه جدیت و سرعته چالیشه مدیفندن من غیر قصد عادی بودجه نک قوه تشریعیه طرفندن وقتنده تصدیق اولنماسیدر .

بو اوچنجی سبب امور مالیه نک انتظام اداره و حسن جریانته باطوع سکتهدار ایله مک دیمک اولدیفندن حقیقه شایان تجوز و قبول دکلدر . ۱۸۳۱ ده فرانسه ده عادی بودجه نک تدقیق و تصدیقده تأخرات واقع اولغله مالیه ناظری مشهور بارون لوتی ، مجلس مبعوثانده اپی نرت و آجی سولنمش و دیمش ایدی که : [افندیلر ، بودجه نک تصدیقده واقع اولان بوتأخراتک عظیم ووخیم محاذیری واردر . اولا ویرکو اصولی بتون اصلاحات ممکنه بی تعطیله اوغرا دییور ثانیاً پارلمنتونک مصارفات

عمومیته‌نك مراقبه‌سنی بی فائده و لفظی برحاله افراغ ایلدور و عینی زمانده اداره دولتک انتظام و سربستی جریانه بر مانع تشکیل ایدیور . [موقت بودجه اصوله آرزوق هر مملکتده مراجعت اولنغه مجبوری کورلمشدر مثلاً فرانسه ده اون طقوزنجی عصرک ابتداسندن بری موقت بودجه تاریخچه‌سنك فرانسه تاریخ سیاسی ایله ارتباط کاملی واردر . دینه‌یلیرکه محاربات ویا اختلافات داخله‌دن دولای فرانسه ده اداره‌نك انتظام جریانی خللدار اولدینی و قتلر ، موقت بودجه ، ظلهور ایتمشدر .

فرانسه ده ۱۸۱۰ ده ، ۹ کانون اول ۱۸۰۹ تاریخی امرنامه ایله تأسیس اولنوب عادی بودجه‌نك ۲۰ نیسان ۱۸۱۰ ده تصدیق اولنسیله الفا ایدیلان اوج آیلق موقت بودجه‌دن صرف نظر اولنورسه موقت بودجه اصولنك تطبیق ۱۸۱۵ ده برنجی ایمپراطورنك سقوطیله ختام بولان محاربات عظیمه‌دن صکره باشلامش ومتوالیاً الی‌سنه دوام ایتمشدر . ۱۸۱۶ دن ۱۸۲۲ یه قدر مرور ایدن سنه‌لرده امور مالیه تماماً عادی بودجه‌لرله اداره اولنمشدر .

۱۸۲۲ ده مالیه ناظری موسیو دو ویلهل اوج آی فاصله ایله مجلس مبعوثانه ۱۸۲۲ و ۱۸۲۳ سنه‌لری عادی بودجه‌لرینی تصدیق ایتدیره‌رك امور مالیه‌ده کی تذبذب نهایت ویرمشدر . بوضورتله تأسیس اولنان انتظام بوربون خانداننك فرانسه تحت قرالینندن سقوط ایله‌دیکی سنه یه قدر دوام ایتمشدر .

۱۸۳۰ ده اوننجی شارلک فرانسه قرالیتندن فراغتیی انتاج ایدن اختلالات ؛ موقت بودجه‌نك یکیدن احداثه سبب اولمشدر . بوایکنجی دور ۱۸۳۳ سنه‌سنه قدر دوام ایتمشدر لکن ۱۸۳۳ ده پلنتو مدت

اجتماعی تمديد ايله ۱۸۳۴ سنه سنك عادى بودجه سنى زمانده تدقيق و تصديق ايله مشدر . « تموز حكومتى » ، نهايته قدر بوانتظامى محافظه ايله مش و حتى « لوى - فيليك » سقوطندن اوليغى ۱۸۴۷ سنه سى اينجده ۱۸۴۸ بودجه سى تصديق ايدلمشدر .

۱۸۴۸ اختلالى ۱۸۴۹ بودجه سنك ، سنه مالىه نك دخولندن درت آى صكره تصديقه سبب اولمشدر .

ايكنجى ايمپراطورلق ، موقت بودجه اصولنه مراجعت ايله مامشدر . ۱۸۷۰ — ۱۸۷۱ وقوع آندن صكره موقت بودجه تكرر باش كوستر مشدر مع هذا يال كتر ۱۸۷۲ سنه سنده موقت بودجه تنظيم ايدلمشدر . ۱۸۷۳ سنه سنك عادى بودجه سى زمانده تصديق اولمشدر چونن صكره ۱۸۷۸ سنه سنه قدر موقت بودجه اصولنه مراجعت مجبوريت حاصل اولمامشدر لكن بوسنه ظرفنده « ۱۶ مائس » حادثات سياسيه سى بتكرار موقت بودجه احداثه باعث اولمشدر . بواشاده مقام اقتدارده بولنان هيئت وكلا ، مجلس مبعوثانده اكثريت حائز اولان فرقيه منسوب اولديقندن ، قوه تشريعيه ، بودجه سى تصديق ايله مك ايسته مامشدر .

مجلس مبعوثانك بو خط حركتى ، رئيس حكومتى ، وكلا سى اكثريت فرقه سندن انتخابه مجبور ايله مش ايسده عادى بودجه نك تدقيق و تصديقه وقت قالمديقندن ۱۸۷۸ سنه سى اينچون برقاج آيلق موقت بر بودجه تنظيم ايدلمشدر . اون طقوزنجى عصر ك ابتدا سندن ۱۸۷۸ سنه سنه قدر فرانسده كوريلان موقت بودجه لر اسباب فوق العاده دن نشأت ايله ديكنندن فضله تنقيده امكان يوقدر لكن بوتارينچدن صكره تنظيم اولنان موقت بودجه لرك هيچ برى داخلى و خارجى اسباب مجبريه مبتى اولديقندن ازهر جهت شابان تنقيدر .

نه کیم سناتوده بودجه راپورتوری موسیو بوفه ، ۱۸۸۴ سنه سی
 کانون اولنک یکریمی التیمی کونی موقت بودجه دن بحث ایدرکن دیمشدرکه
 [اسباب مجبره وفوق الماده دن دولای مجبوزیت قطعی اولقسزین قوه
 اجرائیه ، موقت بودجه تنظیمه قیام ایدرسه وظیفه سنی بحق ایفایه
 چالشمیدنی کوسترهش اولر] ۱۸۸۶ ده انتخابات جدیده اجرا قلنه جغندن
 مبعوثلر عادی بودجه بی زماننده یعنی ۱۸۸۵ آغستوسنده تصدیق ایله مشلردر
 لکن یکی مبعوثلر اسکی خطایی ارتکاب ایدرک ۱۸۸۷ بودجه سنی وقتنده
 تدقیق وتصدیق ایله مامشلردر . ۱۸۸۸ بودجه سی ده عینی حاله اوغرامش
 وبوسنلر ایچون موقت بودجه لر تنظیم ایدلشدر .

۱۸۹۲ ده بر ایلق موقت بودجه تنظیم اولومش و نومدت ظرفنده
 عادی بودجه نك معامله تصدیقه سی اتمام ایدلشدر .

۱۸۹۳ بودجه سنك معامله تصدیقه سی آنجق درت موقت بودجه
 تنظیمدن صکره اتمام اولنه بیلشدر .

۱۸۹۷ بودجه سی اوچ موقت بودجه دن صکره قبول اولمشدر .

۱۸۹۸ سنه سنده دخی اوچ موقت بودجه تنظیم ایدلش و ایرتسی سنه
 موقت بودجه لرک عددی بیه چیقمشدر .

۱۹۰۵ و ۱۹۰۶ سنه لری ایچون دردر و ۱۹۰۷ ایچون آنجق
 بر موقت بودجه تنظیم اولمشدر .

۱۹۰۸ ده عادی بودجه نك زماننده تصدیقه موقت حاصل اولمشدر .
 مجلس مبعوثانده موقت بودجه هر دفعه سنده تنقیدات شدیدیه اوغرامش
 وحقی بواصول ایچون « موجب خرابی بر چاره » ، « رذالت » کبی
 توصیفات وتیمیرات استعمال ایدلشدر . موقت بودجه اصولنک محاذیری
 آشکار اولغله برابر بعض مملکتلرک بواصول ایله یک آینی اداره

ایدل‌کاری ده غیر قابل انکار در . مثلاً بلچقاده بودجه‌نك تاريخ تدقيق و تصديق ايله موقع اجرايه وضعى زمانى ياغلاشدير مق وارهده قاله جق مدتى قيصالتقى ايجون موقت بودجه اصولنه مراجعت اولمقده در .

فرانسه‌ده موقت بودجه ، بالخاصه عادى بودجه‌نك زماننده تدقيق و تصديق اولنماسندن دولايى سنه نه‌ايتمده بر دنبره تنظيم اولديفنندن عدم انتظام وقاريشقاني موجب اوليورسهده بلچقاده ، مدت مديده دنبري ، موقت بودجه‌لر تحت انتظام ومضبوطيه آلتش اولديفنندن بر مؤسسه طبيعیه کي دوام ايتمکده در . بوملکتهده ماليه ناظري کانون اولده موقت بودجه‌ي مجلس مبعوثانه تقديم ايله ديکي وقت ، مبعوثلر اولجه خبردار اولدقلرندن اصلاً اثر انفعال وتلاش کوسترمامکده درلر . پارلمنتونک عادى بودجه تدقيقانى ده دائماً اولجه بر موقت بودجه تنظيم اولنه جفته کوره جريان ايتمکده در .

موقت بودجه‌ده مندرج بولنان تخصیصات موقت ، مکمل حساب ، ايدل‌يکندن عادى بودجه‌نك انتظامنه خلل کيترمامکده در مثلاً اموز نافع ايجون موقت بودجه‌يه قونيلا ن تخصیصات ؛ دائماً بونلرک کشف دفترلرينه وبلا نلرينه کوره تعيين اولمقده در وبوسابه‌ده واردات ومصارفات زمانى زمانه تخمين ايدلک امکانى حاصل اولديفنندن بونلر ممکن اولدينى قدرطوغرى وموافق ظهور ايتمکده در .

بواسابه منى شويله بر سؤال ايزادى مجبورى کورولمشدر : موقت بودجه‌لر ، تماماً وقطعاً رد ومحکوم ايدللى ميدر يوقسه بونلرک موجب اولدينى تنقيدات ومؤاخذات ، على الجملة وغير منتظم بر صورته تنظيم اولنلرندى نشأت ايتمکده در ؟

موقت بودجه طرفدارانى ديورلرکه : موقت بودجه‌لر بلچقاده کي کي

تحت انتظام ومضبوطيته آنيرسه شايان قبول وبلكه موجب فائده درلر
حتي بونلردن بعض مفرطلری ديورلرکه : [موقت بودجه ، يالكز نيم
مدني مملكتلرده يوقدر مثلا دولت عليه ده موقت بودجه مجهول برشي در.] [۱]

موقت بودجه طرافدارلری ؛ بونك اك مهم فائده سي اوله رق عادي
بودجه نك زمان تنظيم وترتيبي ايله زمان تطبيق واجراسي بيننده كي فاصله
مدیده نك تمخير وشديدی خصوصنده كي خدمتي ايلرو سورمكده درلر .
في الحقيقه سنه ماليه لری كانون ثانی ابتدا سنده باشلايان فرانسه وبلچيكا

كي مملكتلرده بودجه اقلي اون درت آی اول يعني مثلاً ۱۹۰۹ سنه سي
عادي بودجه سي ۱۹۰۷ سنه سي تشرن اول ويا نايسنده تنظيم وترتيب
ايدليكندن فاصله يك اوزن اوليور وبوسه بيله واردات تخمه ايله محققه
بيننده اكثريا مهم تفاوتلر كوردليكي كي مصارفات قسمنده مندرج قره ديلرك
بعض كره لزومندن فضله واكثريا نقصان ظهور ائلمندن بودجه نك انساني
تطبيق واجراسنده پارلمنتودن برچوق ضمايم طلبنه ويا ختام سنه ماليه ده
برچوق فضله قره ديلرك ابطالنه مجبوريت حاصل اولمقده در .

بومحدورلرك ممكن مرتبه ازاله سي ؛ آخچق بودجه نك ؛ تطبيق واجرا
ايديله چكي زمانه يقين اوله رق تنظيم وترتيبي ايله قابلدلر حالوكه قوه
تشريعيه نك بودجه بي بحق تدقيق ايله تبلسي ايچون موازنه ماليه قانون
لايحه نك اولامجلس مبعوثان بودجه قوميسيوننده بعده هيئت عموميه ده
وبالاخره مجلس اعيان قوميسيوني ايله هيئت عموميه سنده تدقيق ومذاكره
ايدليكي نظر دفته آنيرسه ، اقلي بش آلتی آيه لزوم اولديني تظاهري

[۱] بوسوز ۱۸۸۷ سنه سي كانون اولنك ۱۵ نده فرانسه مجلس مبعوثانده
سولمغشدر . جداً لله بوسنه دولتمزده دخي مارت ، نيسان ، مايس ، حزيران
وقوز آيلری ايچون بش موقت بودجه تنظيم اولنديفتدن مملكتمز حقنده بوندن
بويله « نيم مدني » توصيفي حقنز وسپسز عد اولنه بيلير .

ایدر . مثلاً ۱۹۱۰ سنه سی بودجه سنك سنه مذ كورده نك دخولدن اول
قوة تشریعی طرفندن قبول و تصدیق ؛ بونك ۱۹۰۹ سنه سی اجتماعی
ابتدا سنده مجلس مبعوثانه تودیع و تسلیمه متوقفدر . بوكا ایسه آنجق
بو بودجه نك ترتیب و تنظیمه هیچ اولمزه ۱۹۰۸ سنه سی او اخرنده باشلانق
ایله موفق اولنه بیلیر .

جدول آتی فرانسه ده مختلف سنلر بودجه لرینك مجلس مبعوثانه
تاریخ تودیعی كوسترمكده دركه بیانات سالفه مزى توضیح ایلر .

بودجه سنه حسابیه	مجلس مبعوثانه تاریخ تودیعلری	تاریخ مبدأ تنظیماری
۱۸۸۰	كانون ثانی ۱۸۷۹	۱۸۷۸
۱۸۸۱	» » ۱۸۸۰	۱۸۷۹
۱۸۸۲	» » ۱۸۸۱	۱۸۸۰
۱۷۸۳	» » ۱۸۸۲	۱۸۸۱
۱۸۸۹	شباط ۱۸۸۸	۱۸۸۷
۱۸۹۱	» » ۱۸۹۰	۱۸۸۹
۱۸۹۶	» » ۱۸۹۵	۱۸۹۴

ایشته بودجه لرك زمان تنظیم و ترتیلری ایله زمان تطبیق واجرا لری
بیننده کی فاصله مدیده دن متولد مجازیر مشروحه یی ازاله ایچون بعض
مالیون موقت بودجه اصولی توصیه ایله مکه درلر . بونلرك فکرینه كوره
اكر بر سنك ایلک بر قاج آبی ایچون موقت بودجه لر تنظیم و بونلرله
امور مالیه نك اداره سی تأسیس ایدیلیرسه سنه حسابیه نك دخولدن صکره

دخی بودجه‌یی تدقیق و مذاکره ایچون قوهٔ تشریعیه وقت قالمس. اوله جغندن مالیه ناظرلری بودجه‌نک تنظیم و ترتینده فضله استیجاله مجبور اولمز لر و بودجه‌نک زمان تنظیم و ترتیبی ایله زمان تطبیق و اجرایی یئنده کی مدت قیصالی و بوضورتله ده مصارفات و وارداتک تخمیننده ، فضله خطایه دوشولمز .

موقت بودجه معارضلری ایسه سننه حسابیه‌نک کانون ثانیده بدأ ایله یه جکنه نیسان و یا حزیران ابتداسنده باشلادیغی حالده قوهٔ تشریعیه‌نک بودجه‌نک تدقیق و تصدیق ایچون اوچ درت آی قزانه جغندن فاصله‌نک تقصیری ممکن اوله رق بوندن متولد محاذیرک ازاله سی امکانی استیصال اوله جغنی و بونک ایچون موقت بودجه کی سقیم برتدیره مراجعته حاجت اولدیغی ادعا ایلیورلر .

نته کیم ایئتالیاده سننه حسابیه تموزک برنده باشلار و حزیرانک اوتوزنده ختامه ایرر

حزیران ابتداسنک سننه حسابیه یه مبدأ اولسنی تکلیف ایلیوب قبول ایئتدرن مالیه ناظرلی ایئتالیا مجلس مبعوثاننده ایراد ایله دیکی نطقده دییورکه : [بودجه قومیسونی اعضاسی ، دیگر مبعوثلر کی ، یازین مأذونأ مملکتلرینه کتمکده و صوک بهارده عودت ایده رک علی العجله بودجه‌یی تدقیق ایله راپورلرینی ویرمکده درلر .

بو حاله چاره ساز اولق ایچون سننه حسابیه‌نک فرانسه ده اولدیغی کی کانون ثانیده باشلایوب انکلتزه ده کی کی نیسانک برنده باشلامسی ایجاب ایدر . بو حاله قیشک اوچ آیی ، همان موقع تطبیق و اجرایه وضعندن براز اول ، بودجه‌نک تدقیق و مباحثه سنه تخصیص اولور .]

ناظرک بو تکلیفی نیسانک ، حزیرانه تحویلی ایله قبول ایدلمش

۱۷ شباط ۱۸۸۴ قانونیه سنه حسابیه نك مبدئي حزينانك بری اوله رق تعيين ايدلمشدر .

حکومت متحده آمريقادہ ۱۸۴۴ تاريخه قدر سنه حسابيه فرانسه ده اولدینی کبی کانون نائیده بدأ اینله دیکی حالده بوتاریخدن اعتباراً بر حزينان مبدأ سنه حسابيه اتخاذ اولتمشدر .

بروسیا ده ۲۹ شباط ۱۸۷۶ قانونی دییورکه: [۱۸۷۷ سنه سی نيساندن اعتباراً سنه حاليه بر نيسانده باشلاچق و ۳۱ مارتده ختامه ایره جکدر.] بوقانونك موقع تطبيقه قوندینی تاریخنبری پروسیا مالیه ناظرلی موازنه مالیه لایحه لرینی منتظماً کانون ثانی آبی ظرفده لاندغه تودیع ایلکده درلر .

انگلترده صوك عصرده سنه مالیه نك مبدئي سن ميشل یورطیسی کونی [ایلول ۲۹] اعتبار ایدلمش وبالاخره کانون نائینك بشنه نقل اولتمش ایدی .

۱۸۳۲ ده ۴ نيسان مبدأ اتخاذ ایدلمش ایسده ۱۸۵۴ سنه سنه قدر بعض دوائر اسکی مبدئي محافظه ایله مشلدر . لکن ۱۸۵۴ — ۱۸۵۵ سنه سنك مبدئي بر نيسان اوله رق تعیین ایدلمش وبوقوندنبری بو تاریخ تبدیل اولونماشدر . هر سنه ، تشرین اوله طوغری ، مالیه ناظرلی دوائر « تخمینات » لرینی خزینیه کوندرملرینی محتوی بر عموم کوندرلر وبو « تخمینات » شباط ظرفده مجلس مبعوثانه تودیع ایدیلر وعمومی بودجه ایسه ، دیگر مملکتلرده اولدینی کبی ، برسنه ، الی ویا اوج آی اول کوندرملیوب ، آنجق سنه حسابیه نك مبدئندن برکون اول وحقی برکون صکره مجلس مبعوثانه تودیع اولنورکه بو صورت ، نه واردات ومصافاتک تخمیننده

خطیانه امکان بر اقرار و نه موقت بودجه تنظیمه احتیاج کوسترر انکلیز
اصولنک الک جالب دقت و تحسین نقطه سی ده بودر .

انکله رده عادی بودجه لک مجلس مبعوثانه تاریخ تودیلرینی کوسترر
جدول آتی حقیقه شایان دقتدر :

تاریخ تودیلر	بودجه سنه حسابیه
۱۸۸۸ مارت ۲۶	۱۸۸۸ — ۱۸۸۹
۱۸۸۹ نیسان ۱۵	۱۸۸۹ — ۱۸۹۰
۱۸۹۱ » ۲۳	۱۸۹۰ — ۱۸۹۱
۱۸۹۳ » ۲۴	۱۸۹۱ — ۱۸۹۲
۱۸۹۸ » ۲۱	۱۸۹۲ — ۱۸۹۳
	۱۸۹۳ — ۱۸۹۴
	۱۸۹۴ — ۱۸۹۵
	۱۸۹۵ — ۱۸۹۶
	۱۸۹۶ — ۱۸۹۷
	۱۸۹۷ — ۱۸۹۸

موقت بودجه معارضلری ، طرفداراننک کوسترر دگری فائده یی
دیگر بر تدبیر ایله بی حکم بر اقله ده اکتفا ایله میورلر و بواسولی چور و تمک
لایچون دیورلرکه :

۱ بواسول نه قدر تحت انتظام و مضبوطیه آنسه ینه ناتمام و غیر مکملدر
چونکه موقت بودجه نک واردات قسمی ، سنه مالیه نک دخولندن اول
یعنی کانون اولده قبول اولنیور حالبوکه بونلره قارشولق کوسترر یلان
مصارفات ، بوندن بر جوق زمان صکره تصدیق ایدیلور . بونلر ییتنده کی
موازنه یی محافظه ایده یلک ایچون مبعوثان واعیان ، مالیه ناظرینک
لایحه سنده مندرج قره دیلری تبدیلی و تحویل ایله مامکه مجبوردرلر چونکه
مقدما بونلرک یکونی ایله قارشولق کوسترر یلان منابعک ییتنده علاقه

وموازنت واردر و یوقر دیلر تنزیل ویا ترید ایدیلورسه بوموازنت در عقب خللدار اولور.

بوموقت بودجه اصولی تطبیق ایلیان بلجیقاده پارلمنتو، دائماً بوکا دقت ایلر وموفقده اولور لیکن بلجیقا پارلمنتوسی نه یاپارسه یاپسون بلجیقانک پارچلی بودجه لری؛ حقیقی بر بودجه دکلدرلر].

ایضاحات مسروده دن اکلاشیلیورکه موقت بودجه اصولی؛ اکثر مملکتلرده مجبوریت قطعیه کورلدکجه تطبیق اولنما مقده و بواسولی علی العاده قبول و تطبیق ایلیان بلجیقاده دخی بر چوق اعتراضاته اوغرامقده در.

باخصوص حرب کی اختلافات سیاسیه واغذاشات داخلیه کی احوال فوق العاده اولمدکجه موقت بودجه تنظیمی یا حکومتک ویا پارلمنتونک وظیفه لری بحق وتمامیله ایفا ایله مدکرینه دلیل عدایدلکده در.

بزده؛ قانون اساسینک کچن تموزک اوننده استرداد اولنمی ومالیه نظارتنک بودجه تنظیمی ایچون تمامیله حاضرلقمز بولنمی جهتیه عادی بودجه نک، مجلس مبعوثانه تودیعی زیاده سیله تأخر ایله دیکندن مارت، نیشان، مایس، حزیران و تموز آیبری ایچون موقت بودجه لری تنظیمه احتیاج حاصل اولدی. امیدوتمی اولنورکه عینی احتیاج آغستوس ایچون کورلر و واردات قسمی قبول اولنان عادی بودجه نک. مصارفات قسمی ده وقتیه پارلمنتو طرفدن تصدیق اولنور.

محرم جاوید بک افدینک حیت و فعالیتدن مأمولدرکه ۱۳۳۶ بودجه سنی مجلس مبعوثانک اجتماع آتینسک همان ایلک کونلری مجلسه تودیعه موفق اولورلر و مجلس ملیزده، ایجاب ایدرسه، بعض مملکتلرده اولدینی کی

[۱] کیجه لری ده اجتماع ایدرهك بودجه یی زماننده تدقیق و تصدیق ایدر
وبوصورتله كلهك سسنهك ایللك آیلری ایچون موقت بودجه تنظیمه
مجبوریت حاصل اولمز .

[۱] انکتردهده اخیراً مالیه ناظری موسیو لویید جورج طرفندن مجلس مبعوثانه
تودیع اولنان بودجه یی وقت وزمانیه تدقیق و تصدیق ایچون مجلس بیض دفعه
کیجه لری طلوع شمس قدر حال اجتماعده قالمشدر

شورای دولت اعضاسندن

احمد مختار